

善曾仕豐臣秀次公賜采地家洛下後被召奉謁家康公常獻藥甚沐恩渥且於城州賜食邑五百石一日異域獻珊瑚枝時無識之者家康公手摸其形召諸醫問其名衆醫不能辨之宗恂曰恐是珊瑚枝也家康公益問其事實宗恂詳答其所出及所以採之家康公感之即以所獻之珊瑚枝一個賜宗恂凡每歲賜藥石及金銀衣服等不可勝計也家康公令宗恂修製紫雪乃據和劑局方以調之而後他醫亦効其製法一日蠻舶貢薄石一尺餘狀如側柏熟視則似木賊柏葉相連綴者家康公異之以問諸醫皆不知之宗恂曰蓋是栢枝瑪瑙花乎考之本草果相似也宗恂奉命與諸醫隔歲輪直于江戶其後常陪侍于駿府矣慶長十五年四月十七日卒年五十三所著之書有素問講義難經註疏四册醫經小學十二册類本草二十册名醫傳略古今醫案又曾作運氣諸論圖及樞要圖漏刻圖等

〔本朝醫考〕道三

道三氏曲直瀨字一溪自號雖知苦齋其先世居洛陽一溪以永正四年九月十八日生於洛陽十歲入相國禪寺藏集軒爲喝食號等皓讀東坡山谷等詩集悉諳之二十二歲而赴關東足利之學校師事文伯以學群書享祿四年始見導道以窺方書之要旨明醫術之奧義諸方之可否藥石之能毒盡無不辨知焉業既成天文十四年歸洛陽十五年遂遁浮屠謁光源院義輝公寵遇殊渥且細川勝元三好修理及松永霜臺等厚遇之診治之功逐日益多中略凡本朝中世之醫家一號半井家一號道三家到于今不乏其人矣養安院正琳壽命院德潤施藥院全宗等亦此門生也慶長十三年四月四日依後陽成院之勅以被叙法印位

〔明良帶錄世職〕典藥頭

道三大路○今は醫術を以天地一般之理を悟りて遠州の旅館にて津波の興るを悟る今切是也拜領屋敷常盤橋のうち有されば登城のために橋をかける今の道三橋これなり兩家に陰陽のヒあり正月は屠蘇散度障散屠蘇白散神明白散膏藥を獻す是は弘仁之天子へ差上たる法にして